

Endenquimbo, diez de diciembre, 1948, nidaid abitedinoësh matses utsi-utsiec cho-chopanêdash, onquenuec. Adec cho-choquid Naciones Unidas capec.

Choashic onquepanêdash. – Bêdamboec tabadnuna, quequin chuiбанuna. Nuqui chuiboed dada uanuna. Nuqui dada uaid daêdpēn nacnenshun meniac utsibo abitedishun nuqui chuiboed tantiatsiashe – quepanêdash cho-choquido. Ambi chiaid neid dada uaid nec.

Nidaid Abitedinoësh Cho-choquidon Bêdamboec Tabadte Chiaid

Utsi Chuinuen Naden chuinêdash

Adashic: – Bêdamboec tabadnuna, qesho: Ai, mimbi chiac padec tabadnuna, matses abitedimbo chuinanubi:

Mibi bêdamboec tabashobi cueschitono, quequid nibedtsiashe. Cuesnanenquio matses ictsiashe. Icsauanquid chushcatsiashe. Bêdambocquid bêdamboen ispatsiashe – quequin chuipanêdash nidaid abitedinoësh cho-choquidon.

Adashic: – Enden: Bêdamboec tabadnu, qesho: Padi. Cueschitono, quequin icsamenêdaiddi nêbi utsi uanuna. Naden chuinanuna. Mimbi tantiaidi chuita. Utsibon chuisho tantiata bonquin tantiata. Dacuêdenquiocquin nata. Mibi cuestiapimbo iquebi – quequin chuinanuna. Adec matses utsi-utsiquetsêcquieq nuquibi bêdamboec tabadtsiashe – quequin chuipanêdash nidaid abitedinoësh cho-choquidon.

Adashic: – Bêdamboec tabadnuna, quequin neid chiaid isun chuiquid dapan: Ai, bêdamboen chiacpadec tabadnuna, aton matses chiac bêdambo ictsiashe. Aid chuiquid dapa caic: Icsambo iqueque. Cuesunechitono, utsibon cac icsambo ictsiashe – quequin chuipanêdash nidaid abitedinoësh cho-choquidon.

Adashic: – Nuquibi bêdambo iquec, cananuna – quequin chuipanêdash nidaid abitedinoësh cho-choquidon.

Adashic: – Bêdamboec tabadnuna, quequin chiac bêdambo ictsiashe. Matses abitedimbo bêdambo iquec. Dada bêdambo iquec. Chido bêdambo iquec. Bacuêbo bêdambo iquec, quequin chiac bêdambo ictsiashe. Padi.

Mimbi chiac padomboen bêdamboen nainda. Cueschitono quequid chieshêmênquid icsambo ictsiashe. Adquid nibêdnubi matses abitedi dada uaquin mêquiacaac bêdambo ictsiashe. Adembiiddi dauê menebanac bêdambo ictsiashe. Adecbiddi piasenquio yec bêdamboec tabadac bêdambo ictsiashe – quequin chuipanêdash nidaid abitedinoësh cho-choquidon.

Adashic: – Nêmbo cho-choquidotedi aton nidaiddên nishun aton matses nuqui chiondaidd chuituidac: Ai, mimbi chiacpadec bêdamboec tabadnuna, quequin chiac bêdambo ictsiashe – quequin chuipanêdash nidaid abitedinoësh cho-choquidon.

Adashic: – Nuqui chuiboed matses abitedimbo tantiamiac bêdambo ictsiashe – quepanêdash. Aidedba chuipanêdash.

Nuqui Chuiboed Bêdambo Iquec, Quiash

Nidaid abitedinoësh cho-choquido: – Nuqui chuiboed matses abitedimbo tantiamenuna. Tantiamiac chuiquid dapabon: Ai, adec bêdamboec tabadcuēnuna, cac bêdambo ictsiashe. Bêdamboec tabadcuēnuna, cacpadec matses abitedi bêdamboec tabadac bêdambo ictsiashe – quequin chuipanêdash nidaid abitedinoësh cho-choquidon.

Chiaid 1

Chidon tishaido yec matses abitedimbo bêdamboec isanac bêdambo ictsiashe. Chieshnanac icsambo ictsiashe. Abitedimbo bêdamboec tabadac bêdambo ictsiashe. Shubu abentsêcquiddên tabadac birnboec abitedi tabadac bêdambo ictsiashe – quequin chuipanêdash nidaid abitedinoësh cho-choquidon.

Chiaid 2.

Nêid dada uaid isash abitedi bêdamboec isanac bêdambo ictsiashe. Êbi padquid con matsesuidtsêqui bêdambo iquec. Matses utsibo icsarnbo iquec, quenquio yec: Con matses bêdambo icnuc utsibotsen bêdambo iquec, cac bêdambo ictsiashe. Adernbiddi: Embentsêqui bêdamboen tantiembi. Utsibo abitedishun icsamboen tantiec, quenquioêquin:

Chieshênquiocquin ma ambi tantiaidi napanu cac bêdambo ictsiashe. Chidobi bêdamboen istiapimbo iquebi, quenquiocquin chidotsen bêdamboen isac bêdambo ictsiashe. Chuiquid dapambi nêid chiaid niacbidanquin aton matses chieshênac icsambo ictsiashe – quequin chuipanêdash nidaid abitedinoësh cho-choquidon.

Chiaid 3.

Matses utsibo yuainquio yec, cuesnanenquio yec quec bêdamboec tabadnuna, cac bêdambo ictsiashe – quequin chuipanêdash nidaid abitedinoësh cho-choquidon.

Chiaid 4.

Matses utsibo min matsesbêta yuainquiocquid. Yuac icsambo ictsiashe. Adembiiddi matses utsibo min matsesbêta beshun yuamequin menenquiocquid. Yuamenun meniac icsambo ictsiashe – quequin chuipanêdash nidaid abitedinoësh cho-choquidon.

Chiaid 5.

Matsespenquio yacimboecnuc aton matses bêta matses utsibo icsauainquiocquid. Icsauac icsambo ictsiashe – quequin chuipanêdash nidaid abitedinoësh cho-choquidon.

Chiaid 6.

Atoda nidaiddên nidacsho anocquidon: Con matses chuiquid dapan chiaid ley caidd nata. Niacbidansho juez caiddên Êbi yac padomboembiddi cuidtsiashe, cac bêdambo ictsiashe – quequin chuipanêdash nidaid abitedinoësh cho-choquidon.

Chiaid 7.

??Mitsicquid nidaiddên tabadquid nec? Aton nidaiddên tabadquido chuiquid dapan chiaid ley caidd abitedishun nac bêdambo ictsiashe. Aiddên chiaid niacbidansho juez caiddên cuidac bêdambo ictsiashe. Nêid chiaid niacbidanquin matses utsi caic: Matsespenquio mibi nec. Mibi bêdamboen istiapimbo iquebique. Mêyanu, quequin ambembi nac icsambo ictsiashe. Cuidte chuiquid juez caiddên matses abitedimbo: Mibi matses nec. Con matses nacpadomboembiddi mibi naimbi, cac bêdambo ictsiashe – quequin chuipanêdash nidaid abitedinoësh cho-choquidon.

Chiaid 8.

??Midacquid matses nepec? Aton nidaiddên tabadquido chuiquid dapabon chiaid nac bêdambo ictsiashe. Aid chiaid niacbidanquin utsibo icsauasho isun juez caiddên bemeshun cuidac bêdambo ictsiashe – quequin chuipanêdash nidaid abitedinoësh cho-choquidon.

Chiaid 9.

Nêid chiaid niacbidanquin ambembi matses quêne uac icsambo ictsiashe. Adembiiddi ambembi chieshênquin matses aton nidaiddênshun cuemiac icsambo ictsiashe – quequin chuipanêdash nidaid abitedinoësh cho-choquidon.

Chiaid 10.

Chuiquid dapabon chiaid ley caidd niacbidanosh. Icsaosh, caidd beshun juez caidd yacno buanquin. Anoshombi matses daêdpēnshun isnuc juez caiddên chieshênênquiocquin chuimequin. ??Atotsi nao? quequin chuimequin. Ashumbi aid isquidtsen chuimequin. Adoshombic: Abimbo caosh. Icsaosh, qeshun cuidquin. Icsabichobi: Icsabi iqueque. Cuidtiapimbo iquebi. Ma nidnu, cac bêdambo ictsiashe. Cuidte chuiquid juez caiddên chieshênênquiocquin abimbo cac bêdambo ictsiashe – quequin chuipanêdash nidaid abitedinoësh cho-choquidon.

Chiaid 11.

Chuiquid dapabon chiaid ley caidd niacbidanosh. Icsaosh, caidd beshun cuidte chuiquid juez caiddên uesquin chuimiabi badedi: Mibi icsaque. Mibi cuidnu, cac icsambo ictsiashe. Chata. Utsibon tantianubi chuimiabi icquin: Icsambo iquec, catiapimbo iquebi. Chuimebono, juezên cac bêdambo ictsiashe.

Chuiquid dapabon chiaid ley caidd niacbidanacsho juez caiddên chuimeshun cuidac bêdambo ictsiashe. Chuiquid dapabon: Aden naic icsambo ictsiashe. Adoquid naden cuidquid, quequin chiacmaidd nacsho: Icsambo iqueque. Cuidnu, cac icsambo ictsiashe. Aidon chiaid niacabichsho cuidac icsambo ictsiashe – quequin chuipanêdash nidaid abitedinoësh cho-choquidon.

Chiaid 12.

Nidaid utsin-utsinquetsêcquiequiddên chuiquid dapabon: Nadquid icsambo iqueque. Cuidnu cac bêdambo ictsiashe. Nêidic: Mimbi tantiaidi nainda. Embi chiac padomboenuidtsêqui nata, quec chieshêmênquid. Nêidic: Min nabobêdi bêdamboec tabadenda, quec chieshanquiequid. Nêidic: Ambi tantiaidên iste dada uaid isnushe. Beshun secanuna, quequin dada uaido beshumênquid. Aided icsambo iquec, quequin chuiquid dapabon chiac bêdambo ictsiashe – quequin chuipanêdash nidaid abitedinoësh cho-choquidon.

Chiaid 13.

Nidaid utsin-utsinquetsēcquiequidēn chuiquid dapabon nadoac bēdambo ictsiash. Nēid nidaidēn tabadquid: Capucuenenu, qesho tantiashun: Ai, capucueneta, cac bēdambo ictsiash. Adembidi: Shubu utsin manēdnu, qesho: Ai manēdta, cac bēdambo ictsiash, quequin chiac bēdambo ictsiash.

Nadembidi chiac bēdambo ictsiash. Nēid nidaidēnoēsh nidendabi, qesho, Ai, nidta, cac bēdambo ictsiash. Nidenda. Cueschitono, shēpi, cac icsambo ictsiash. Padnuen: Nēid nidaidēn choaindabi, qesho, Ai, chota, cac bēdambo ictsiash. Padnuen: Choenda. Cueschitono, cac icsambo ictsiash – quequin chuipanēdash nidaid abitedinoēsh cho-choquidon.

Chiaid 14.

Nidaid utsino cuenash: Con nidaidēn tabadquidēn ambembi chiesēnac cuenobique. Min nidaidēn tabadnu, qesho: Ai, nēmbobi quenenta, cac bēdambo ictsiash.

Padnuen aton matses chuiquid dapabon ley chiaid niacbidanec: Cuidnushe, quianec nidaid utsin cuensho: Ai, nēmbo quenenta, cac icsambo ictsiash. Adembidi ēmbi chuiboed niacbidanec: Cuidnushe, quianec nidaid utsin cuensho: Ai, nēmbo quenenta, cac icsambo ictsiash – quequin chuipanēdash nidaid abitedinoēsh cho-choquidon.

Chiaid 15.

Acte amē ēquē cuēma utsiuc tabadquid: Peruano nebi, qesho Peru yacnocquid ēhuiquid dapan: Ai, Peruano mibi nec, cac bēdambo ictsiash. Padnuen acte amē oquē cuēma utsiucquid: Brasileiro nebi, qesho Brasil yacnocquid chuiquid dapan: Ai, Brasileiro mibi nec, cac bēdambo ictsiash. Padnuen nidaid utsin tabadquid: Nēid nidaidēn icquidquio nebi, qesho: Ai, adquid mibi nec, cac bēdambo ictsiash.

Aton nidaidēn tabadquid: Nēid nidaidēn icquid mibi catiapimbo iquebi. Con matses mibi cainqujo iquembi, ambembi cac icsambo ictsiash. Padnuen aton nidaidēn tabadquid: Nēid nidaidēn icquid icboedi nēbi nidaid utsin manēdash aid nidaidēn icquid yanebi, qesho ambembi chieshēnquin: Padi. Aid nidaidēn icquid mibi catiapimbo iquebi, cac icsambo ictsiash – quequin chuipanēdash nidaid abitedinoēsh cho-choquidon.

Chiaid 16.

Ashumbic padpiden: – Dada caniaidi: Con bacuē tishmenuen con matsesēn champi bednu, qesho: Ai, adota, cac bēdambo ictsiash. Caniaid utsibi: Con bacuē tishmenuen matses utsin champi bednu, qesho: Ai, adota, cac bēdambo ictsiash. Padnuen chido caniaid: Con bacuē tishnuen con matses bedmenu, qesho: Ai, adota, cac bēdambo ictsiash. Chido canjaid utsibi: Con bacuē tishnuen matses utsibi bedmenu, qesho: Ai, adota, cac bēdambo ictsiash. Dadabi: Con chidobēdi bēdamboec tabadnu, qesho: Ai, adta, cac bēdambo ictsiash. Chidobi: Con bēnēbēdi bēdamboec tabadnu, qesho: Ai, adta, cac bēdambo ictsiash. Chido aton bēnēn yuapenquio nec. Dadabi: Embi con chido caboedi icsasho isun con chidopenquio canu, qesho, Ai, adota, cac bēdambo ictsiash. Chidobi: Embi con bēnē caboedēn chieshēnoshi. Aidi nianu, qesho, Ai, adota, cac bēdambo ictsiash.

Nidaid utsin-utsinquetsēcquiequidēn chuiquid dapabon: Dadabi: Aton bēnē ictiapimbo iquebi, qesho bedmenda. Adechbidi chidobi: Aton chido ictiapimbo iquebi, qesho bedmenda. Padnuen dadan: Mibi bednu, cac: Ai, ēbi bed, cac bēdambo ictsiash.

Nidaid utsin-utsinquetsēcquiequidēn chuiquid dapabon: Dada aton nabobēdi bēdamboec tabasho isash: Bēdambo iquec, cac bēdambo ictsiash. Chieshēmēnquidēn aton chido beshunac icsambo ictsiash. Adembidi aton bacuēbo beshunac icsambo ictsiash. Adoquid cuidnuna, quequin chiac bēdambo ictsiash – quequin chuipanēdash nidaid abitedinoēsh cho-choquidon.

Chiaid 17.

Nidaid utsin-utsinquetsēcquiequidēn chuiquid dapabon: Ampiacbicquid: Con nabi nec, qesho: Ai, mitsa na nec, cac bēdambo ictsiash. Adembidi: Utsin nabēdi con na nec, qesho: Ai utsin nabēd mitsa na nec, cac bēdambo ictsiash.

Adashic: Ancanquidēn utsin na beshunac icsambo iquec. Adembidi utsin na ampiac icsambo iquec, quequin chiac bēdambo ictsiash – quequin chuipanēdash nidaid abitedinoēsh cho-choquidon.

Chiaid 18.

Nidaid utsin-utsinquetsēcquiequidēn chuiquid dapabon: Nēmbocquid: Aden tantiembi, qesho: Aden tantiasho mibi cuesunechitono, shēpi, cac icsambo ictsiash. Utsibi: Matses uaquid abentsēqui Nuquin Papa iquec, qesho: Adquid cuesunechitono, shēpi, cac icsambo ictsiash. Utsibi: Nuquin Papa caid nibēdec, qesho: Adquid cuesunechitono, shēpi, cac icsambo ictsiash. Utsibi: Podobitsi daēdpēn tantiaquidquio nebi, qesho: Adquid cuesunechitono, shēpi, cac icsambo ictsiash. Padnuen: Podobitsi daēdpēn tantiaquid icboedēmbi nēbi utsi uaimbi. Nēbi Nuquin Papa tantiaquid nebi, qesho: Adquid cuesunechitono, shēpi, cac icsambo ictsiash. Utsibi: Embi Nuquin Papa caid tantianuec shubun puduedash tabadcuēdednu, qesho: Padi, cuesun secachitono, cac icsambo ictsiash. Utsibi: Embi Nuquin Papa caid tantianuec abentsēqui tsadnu, qesho: Padi. Cuesunechitono, cac icsambo ictsiash. Padnuen: Embi Nuquin Papa caid utsibo chuibanu, qesho: Aso mibi cuesunechitono, cac icsambo ictsiash. Utsibi: Embi Nuquin Papa caid tantianuen nanu, qesho: shēpi cac icsambo ictsiash, quequin chiac bēdambo ictsiash – quequin chuipanēdash nidaid abitedinoēsh cho-choquidon.

Chiaid 19.

Nidaid utsinutsinquetsēcquiequidēn chuiquid dapabon: Matsesēn ambibi tantiaid chuisho: Chuisho cueschitono, shēpi. Chēn, cac icsambo ictsiash. Utsibi: Utsin chuisho tantiatanu, qesho: Nisho isun mibi cuesunechitono, shēpi. Chēn, cac icsambo ictsiash. Padnuen: Maquinian onquequin utsibo chuibanu, qesho: Chēn. Cuidchitono, cac icsambo ictsiash. Utsibon iste dada uanu, qesho: Chēn. Dada uainda, cac icsambo ictsiash. Nidaid utsin tabadquid chuinu, qesho: Chēn. Anocquido chienda, cac icsambo ictsiash, quequin chiac bēdambo ictsiash – quequin chuipanēdash nidaid abitedinoēsh cho-choquidon.

Chiaid 20

Nidaid utsin-utsinquetsēcquiequidēn chuiquid dapabon: Con nidaidēn tabadquid: Aidobēdi bēdamboec tabadnu, qesho: Ai, adta, cac bēdambo ictsiash. Adembidi: Shubun tsaduedash bēdamboec onquecuedednu, qesho: Chēn. Cuidchitono, cac icsambo ictsiash.

Adashic: Utsibi: Aden tantiaquidobēd tabadtiaipimbo iquebi, qesho: Baded cho. Choenquiesho cuidchitono, cac icsambo ictsiash, quequin chiac bēdambo ictsiash, – quequin chuipanēdash nidaid abitedinoēsh cho-choquidon.

Chiaid 21.

Nidaid utsin-utsinquetsēcquiequidēn chuiquid dapabon: Miqui chuiquid ictiadquio iquebi, qesho aton matsesēn: Ai, ēbi chuiquid icta, casho utsibo daēdpatsēcshun: Padi, cuesunechitono, shēpi, cac icsambo ictsiash. Padnuen: Miqui chuiquid ictiadquio iquebi, qesho aton matsesēn: Padi caqui chieshēnquin: Padi, caquido cuesun secachitono cac icsambo ictsiash.

Chuiquid dapabon: Nuquin matses abitedi nashununa. Aton podquedēn uaquinc, aton dauēchoquid icmequinc, aton dada uaid ismequid icmequinc canuna, cac bēdambo ictsiash.

Matses daēdpēnshun: Embi chuiquid icta, cac aidi chuiquid icmiac bēdambo ictsiash Padabi yac icsambo ictsiash. Utsibombi: Aidi chuiquid bēdambo ictsiash, quequin utsibo ismenquioquin aid cuēmēdquid dada uashun sandoquin. Adoshombi matses abitedishun ambi tantiaid dada uatanquin sandoacsho sandoaid beshun tambanquin. Adoshombic: Mibi cuēmēdquid matses daēdpēnshun dada uaque. E'bi chuiquid icta, cain. Padnubi matses utsibon aton matsesēn nac padomboen chuiquid dapa icmequin. Adoac bēdambo ictsiash – quequin chuipanēdash nidaid abitedinoēsh cho-choquidon.

Chiaid 22.

Matses abitedi bēdamboec tabadac bēdambo ictsiash. Piasenquio yec dacuēdenquio yec tabadac bēdambo ictsiash. Nēid nidaidēn icquido chuiquido nidaid utsin icquidobētan chuiquin: Matses utsi-utsiec abitedimbo bēdambo iquec. Aton piucquid bedmenuna. Bēdamboec tabadmenuna. Min matsesi bēdamboen istiapimbo iquebi, cainquio icnuna, cac bēdambo ictsiash – quequin chuipanēdash nidaid abitedinoēsh cho-choquidon.

Chiaid 23.

Nidaid utsinquetsēcquiequidēn chuiquid dapabon: Nuquin nidaidēn tabadquido: Chuiquid dapan chiaid ley caid niacbidanenquioquin piucquid bednuen naimbi, qesho: Ai, adota, cac bēdambo ictsiash. Padnuen piucquid bednuen nashunaidon: Chata. Tiboeta. Miqui mēyadeque, abi nashunquido cac bēdambo ictsiash. Chonoaoanquidquio icsambo ictsiash. Utsibi: Piucquid benuen naimbi, cac: Naic cho, caquid nibēdsho isun chuiquid dapan: Nanu, cauidquido piucquid meniac bēdambo ictsiash.

Padnuen: Naic cho, cac daēdpēn chonoadacsho piucquid menequin. Chonoadquido abitedishun tauac padquido aidtedishun nainacsho piucquid ated-atedbidi menebaniac bēdambo ictsiash.

Ma aton nabo pemequinc, dasiuiquinc, shubu uaquinc canu, quequin chieshenquioquin chonoadquid piucquid daēdpēn meniac bēdambo ictsiash. Piucquid daēdpatsēc meniac aton nabo pistsēc pemequinc, disiuiinenquioquinc, shubu uatsēcquinc cac icsambo ictsiash. Adec icsamboesho isun chuiquid dapan: Piucquid menenuna, cac bēdambo ictsiash.

Chonoadquido: Ebi chonoadac padec chonoadquidobēd onquecuedednuna. Ēbi chonoaoaquidon piucquid daēdpatsēc menesho chushcanuna, qesho: Chēn. Onquecuedenda. Cuidchitono, cac icsambo ictsiash. Ai, miqui chiac padota, cac bēdambo ictsiash – quequin chuipanēdash nidaid abi tedinoēsh cho-choquidon.

Chiaid 24.

Tibocamianenquicquin chonoaoanquiac icsambo ictsiash. Padnuen: Padi. Nēbadiadash tibenuna, cac bēdambo ictsiash. Dia ēeriado caidēn matses abitedi tiboequid. Asho Chonoaoaquidēn dia ēeriado caic: Aid ushēmbi chonoadac bimboecnuc adted piucquid menenu, cac bēdambo ictsiash – quequin chuipanēdash nidaid abitedinoēsh cho-choquidon.

Chiaid 25.

Aton pete icnuc, aton dashcute icnuc, aton shubu icnuc, aton dauē icnuc aton nabobēdi matses bēdamboec tabadtsiash. Adac bēdambo ictsiash. Utsibi chonoadtiapimbo icquin aton piucquid bedtiapimbo yec bēdamboec tabadtiapimbo iquec. Nēidtedi matses chonoadtiapimbocquido nec. Nēidic Naid cho, cacmaido. Nēidic dada icsatsaido. Nēidic niantebo. Nēidic tsusiompibo. Nēidic machompibo. Aidedi chonoadtiapimbocsho isun chuiquid dapan aton piucquid meniac bēdambo ictsiash.

Ani aton bacuēbobēd tabadquido bēdamboen isquin bēdamboen dayun uac bēdambo ictsiash. Bēnēn tishmiaido bacuēbo bēdamboen isquinc abembi uaidēn tishaidotsen bēdamboen isquinc cac bēdambo ictsiash – quequin chuipanēdash nidaid abitedinoēsh cho-choquidon.

Chiaid 26.

Nidaid utsin-utsinquetsēcquiequidēn chuiquid dapabon: Con matses dada uate shubun puduedash mēquiadnu, qesho: Ai, adta, cac bēdambo ictsiash. Taēyec mēquiadquid dada uate shubun puduedacsho: E’`mbi mibi mēquiacsho ēbi piucquid mene, cac icsambo ictsiash. Yucash mēquiadquidēn mēquiacquid piucquid meniac bēdambo ictsiash. Bacuēbo abitedi dada uaquin mēquiacnuna, cac bēdambo ictsiash. Dada uaic bēdamboec mēquiadash: Dada uaid daēdpenquo tantiatiadquio iquebi. Dada uate shubu utsin puduednu, qesho: Ai, adta, cac bēdambo ictsiash. Utsibi nacnenec mēquiadash: Nacnenquidēnquo ismesho istanu, qesho: Ai, adota, cac bēdambo ictsiash.

Dada uate shubun puduedshun mēquiacquidon: Matses utsi-utsiquetsēcquiec iquec. Abitedimbo bēdambo iquec. Utsibo abitedi bēdamboen isnuna. Chieshnanenquo yec cuesun secananenquo icnuna. Adec bēdamboec tabadnuna – quequin mēquiadquido bēdamboen chiac bēdambo ictsiash.

Amēbētan anin: Nēid dada uate shubunoshon `ēquiacquidēn ēmbi tantiaidbidi chioshe. Ambo con bacuēbo yuednu, qesho: Ai mimbi chiac padota, cac bēdambo ictsiash – quequin chuipanēdash nidaid abitedinoēsh cho-choquidon.

Chiaid 27.

Con matses cuēdēnacno istanu, qesho: Ai, mimbi chiac padota, cac bēdambo ictsiash. Utsibi: Con matses mamēnacno istanu, qesho: Chēn. Cuidchitono, cac icsambo ictsiash. Utsibi: Con matsesēn nacnenaid istanu, qesho: Ai, adotanta, cac bēdambo ictsiash. Utsibi: Con matsesēn nacnenaid bednu, qesho: Chēn, mibipadquid bedmetiapimbo iquebique, cac icsambo ictsiash.

Dada uaquido nacnenquidobēta bēdamboen isac bēdambo ictsiash. Utsibombi ambi tantiaid dada uaquid. Utsibombi ambi tantiaid nacnenquid. Adoquidon: Embi nacnenaid bednuen ēbi piucquid mene, qesho bedquin piucquid meniac bēdambo ictsiash. Padnuen utsin dada uaidi caic muaquido: Embimbo dada uaid nec, qesho chuiquidēn cuidac bēdambo ictsiash. Muaquid utsibi: Embibo nacnenaid nec, qesho adembidi chuiquidēn cuidac bēdambo ictsiash – quequin chuipanēdash nidaid abitedinoēsh cho-choquidon.

Chiaid 28.

Nidaid abichobi icquidēn tabadquido chieshnanenquo yec bēdamboec tabadac bēdambo ictsiash. Matses aton matses utsibobēdi chieshnanac icsambo ictsiash. – quequin chuipanēdash nidaid abitedinoēsh cho-choquidon.

Chiaid 29.

Nidaid utsin-utsinquetsēcquiequidēn chuiquid dapabon: Min shubu yacno bēdamboec tabadtiadquio yec bēdamboec nashunanta, cac bēdambo ictsiash.

Chuiquid dapabon aton matses bēdamboec tabadte bonquin chiaid aton matsesēn nac bēdambo ictsiash. Chuiquid dapabon aton matses mēyante bonquin chiaid aton matsesēn niacacsho cuidac icsambo ictsiash.

Embi chuiboed isun: Bēdamboec tabadnuna, cac bēdambo ictsiash. Padnuen ēmbi chuiboed ismeshun: Embi naiduidi nanu, shēpi, cac icsambo ictsiash – quequin chuipanēdash nidaid abitedinoēsh cho-choquidon.

Chiaid 30.

Nēid dada uaid isash, Icsa uanquionona, cac icsambo ictsiash. Padnuen nēid dada uaid isun, Nidaid abichobi icquidēn tabadquidobēdi bēdamboec isnanec bēdamboec tabadnuna, cac bēdambo ictsiash – quequin chuipanēdash nidaid abitedinoēsh cho-choquidon.